

Kalata gwa butatu ugwa Johani Isyakulongosya

Untamigwa Johani aasimbile kalata ujū umpimba, ku ndongosi jumo ugwa biitiki, ingamu jaake Gajo. Mwa kalata ujū Johani ikuntuufya Gajo, paapo aabambiliile kanunu ababombeli bamo aba baatamiigwe nkipanga kya Kyala kyake. Ikumpelesya Gajo ukukonga akajiilo akaa biitiki aba bikubomba inunu. Kangi ikummbuula ukuti somma ukubakonga aba bikubomba imbiibi, na bala bikwibiika ukujā biimikigwa mfipanga fya Kyala.

Uluponio

¹ Une ne nkūlu gwa kipanga kya Kyala, ngukusimbila ugwe Gajo, gwe nguganile mbwanalooli.

² Gwe nkundwe gwangu, ngukusumila ukuti gwendelelege kanunu ndi syosa isya mbuumi bwako, bo ulu ngukubona kwendelela kanunu ukujā pamopeene na Kyala.

³ Naahobwike fiijo bo bafikile abiitiki bamo ukufuma uko, aba baaliimbuulile ukuti ugwe kwendelela ukubwitika ubwanalooli, nu kujā mbwanalooli.

⁴ Sikajako isingi isi sikuhobosya fiijo ukukinda isi ngupilika ukuti abaanangu ndwitiko bikwendelela ukujā mbwanalooli.

Ubugolofu bwa Gajo

⁵ Gwe nkundwe gwangu, ugwe uli nsuubiligwa kuli sila kubabombela abiitiki biiniitu, na paapo baheesya kumyako.*

⁶ Bakibүүлile ikipanga kya Kyala ikya kuno ulugano lwako. Ngukusuma, gwendelelege ukubatwala abaheesya abo kanunu, bo ulu Kyala iiganile, bendelelege ukwenda injila.

⁷ Abiiniitu abo, baalyandile ukwenda injila jaa kumbombela uNtwa Jesu, kisita kwambilila fimo ifya kubatwala ukufuma ku bandu abapanja.

⁸ Kunongwa ijo uswe tukulondigwa ukuti tubambililege abandu bo abo, ukuti tubombege pamopeene nabo imbombo ijaa kufumusya isya bwanalooli bwa Kyala.

Ndyotilefi na Ndemetilio

⁹ Naakisimbiile kalata ikipanga kya Kyala ikya kumyinu, looli umundu jumo ingamu jaake Ndyotilefi atikusipaasya isi nsimbile, paapo ikwibiika nkyeni ngati nkulumba gwabo.

¹⁰ Kunongwa ijo bo niisile uko ngwisa kusibiika pabwelu syosa isi ikubomba, kokuti iheeho nu butungulu ubu ikututungulupila. Sikaja syene isyo itolo, looli umwene ikukaana ukubambilila na biitiki biiniitu aba bikwisa kukubomba imbombo uko. Kangi ikubasigila abandu aba bikulonda ukubambilila, nu kubakaga nkipanga kya Kyala.

* **1:5 1:5** ABajuuta bambililaga beene abamanyaani na bakamu baabo ukaja baheesya. Looli Gajo ambililaga abandu boosa kisita kusala.

¹¹ Nkundwe gwangu, usikongege inunu, ulingasikongaga imbiibi. Gwesa ujū ikubomba inunu, ujo jo mundu gwa Kyala. Looli umundū gwesa ujū ikubomba, ujo akasyagania ukuti Kyala jo jwani.

¹² Umundū jūmo ingamu jaake Ndemetilio, abandū bingi bikannjoba ukuti mundū nnunu, kangi imbombo syake isya bwanalooli sikunangisya ukuti ngolofu. Na nuuswe tukusisimikisya ukuti mundū ngolofu, na nungwe umeenye ukuti ukusisimikisya kwitū kwa nalooli.

Uluponio lwa kumaliikisya

¹³ Ndi na masyū mingi aga ngulonda ukukusimba, looli ngiigana ukusimba isyo syosa nū bwino mwi ikalatasi.

¹⁴ Ngusubila ukwisa kumyako kukukujatila ukuti tujobege bo twaganiile.

¹⁵ Ulatengaano lujeye na nungwe. Abamanyaani biitū abaa kuno bikukuponia. Na nungwe utuponekesye abamanyaani biitū boosa, jumoojūmo.

Ulwikano Ulupya
Nyakyusa-Ngonde: Ulwikano Ulupya (New
Testament+)

copyright © 2019 Wycliffe Bible Translators, Inc.

Language: (Nyakyusa-Ngonde)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

14ff4521-53e4-562c-aacb-6f4faf55a6c8